



Inatsisartunut ilaasortaq
Napaartoq Isak Petrussen
Demokraatit

§ 37 naaportorlugu apeqquteqaammut nr. 2026-103-imut akissut

27-07-2026
Sagsnr. 2026 - 11777

Inatsisartut suleriaasianni § 37, imm. 1-i malillugu apeqqut saqqummiussaavoq, taannalu Inuussutissarsiormut Aatsitassanullu Naalakkersuisoqarfimmut innersuussaalluni. Nalik Ventures-imit tapersiuteqarfigineqartumik akissuteqaat suliarineqarpoq.

P. O. box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Akissummik malitsilersorlugit, apeqqutit ataasiakkaarlugit ataani allassimapput:

1. Maanna nunatsinni ingerlasut (ukiut kingulliit pingasut iluanni aallartittut) aallarnisaasut aammalu suliffeqarfiit aallarteqqammersut qassiunersut, Naalakkersuisut nalilerpaat?

Apeqqutip tamatuma akinissaanut, Nalik Ventures tapersiuteqartinneqarpoq, taassumanga nalunaarutigineqarluni, piffissami 1. januar 2023-miit 10. juni 2026-imut, CVR-imik nalunaarsuivimmiit tigusat malillugit, Kalaallit Nunaanni suliffeqarfiit aallarteqqammersut katillugit 3.230-t nalunaarsorneqarsimasut. Naatsorsuineq nalunaarsuivimmi paasissutissaatigineqartunik tunngaveqarpoq aammalu, piffissami pineqartumik aallarteqqammersutut nalunaarsorsimasunik suliffeqarfinnik tamanik ilaqartinneqarluni.

Suliffeqarfiit aallarteqqammersut amerlassusaat kisitsisinit ersersinneqarpoq taamalu aallarnisaasut amerlassusaannik nalunaarsuutunik immikkoortunik peqanngimmat, aallarnisaasut amerlassusaat pineqaratik.

1a) Nunami sumiiffiit eqqarsaatigalugit, aallarnisaasut suliffeqarfiillu aallarteqqammersut kommunini inoqarfinnilu qanoq agguataarsimappat?

Apeqqutip tamatuma akinissaanut, taamatuttaaq Nalik Ventures tapersiuteqartinneqarpoq, taassumanga nalunaarutigineqarluni, piffissami tamatumani Avannaata Kommuniani 858-it, Kommune Qeqertalimmi 308-t,

Qeqqata Kommuniani 486-it, Kommuneqarfik Sermersuumi 1.338 aammalu Kommune Kujallermi 240-t nalunaarsorsimasut. Ataani tabel-imi inoqarfinni agguataarineq sukumiinerusoq Nalik Ventures-imit takussutissiarineqarpoq:

Avannaata		858	Sermersooq		1338
3952	Ilulissat	275	3900	Nuuk	531
3961	Uummannaq	275	3900	Nuussuaq	531
3962	Upernavik	319	3913	Tasiilaq	87
3964	Qaarsut	5	3915	Kulusuk	6
3971	Qaanaaq	56	3932	Arsuk	2
			3940	Paamiut	53
Qeqertalik		308	3980	Ittoqqortoormiit	10
3950	Aasiaat	164		Ilisimaneqanngitsoq	1
3951	Qasigiannnguit	47			
3953	Qeqertarsuaq	55	Kujalleq		240
3955	Kangaatsiaq	42	3919	Alluitsup Paa	4
			3920	Qaqortoq	148
Qeqqata		486	3921	Narsaq	43
3910	Kangerlussuaq	25	3922	Nanortalik	42
3912	Sisimiut	250	3923	Narsarsuaq	3
3912	Maniitsoq	211			

Taamaattoq erseqqissaatigeqqinneqassaaq, naatsorsuineramik tamatuminnga suliffeqarfiit nalunaarsugaasut ersersinneqarmata. Taamaattumik maannangaaq suliffeqarfimmik ingerlatsisut aallarnisaasut ingerlasut amerlassusaannut, kisitsisit taamaaliinnarlugit sanilliunneqarsinnaanngillat.

2. Ukiuni kingullerni pingasuni, tunisassiamik ineriartortitsinissamut tapiissutit aamma annikitsumik taarsigassarsiat pillugit qinnuteqaatinik qanoq amerlatigisunik Nalik Ventures tigusaqarsimava?

Apeqqutip tamatuma akinissaanut, Nalik Ventures tapersiuteqartinneqarpoq, taassumanga nalunaarutigineqarluni, tunisassiamik ineriartortitsinermut tapiissutit aamma annikitsumik taarsigassarsiat pillugit qinnuteqaatit tigusat amerlassusaannik, kisitsisit atorlugit nassuiaasianik peqaratik. Tamanna peqquteqarpoq, pereersimasunut paasissutissanik ammussuinissamut periarfissiinngitsumik CRM-system-imut Nalik Ventures ikaarsaarsimammat. Tamatumunnga peqatigitillugu system-imit atugarisimasamiit paasissutissanik pineqartunik ammussuinissamut periarfissaqanngilaq. Nalik Ventures-imit aammattaaq ilisimatitsissutigineqarpoq, paasissutissanut tunngavinnut siumungaaq eqqornerusumik tatiginarnerusumillu ersersitsisarnissamik qulakkeerinissaq siunertaralugu suliniutinik aallarnisaasoqartoq.

2a) Ukiuni kingullerni pingasuni, tunisassiamik ineriartortitsinissamut tapiissutit aamma annikitsumik taarsigassarsiat pillugit qinnuteqaatinik qanoq amerlatigisunik Nalik Ventures tigusaqarsimava?

Apeqqutip tamatuma akinissaanut, Nalik Ventures tapersiuteqartinneqarpoq, taassumanga nalunaarutigineqarluni, qinnuteqartunik kisitsisit paarlattuannik, qinnuteqaatinik akuersissutinik naatsorsuineq, naatsorsuutit naammassiat pillugit paasissutissanik aallaaveqarmata. aAtaani tabel-imi ersertutut, tamanna paasissutissanik tutsuiginartunik tunisisoq Nalik Ventures-imit nalilerneqarpoq.

	Tunisassiamik ineriartortitsineq	Annikitsunik taarsigassarsisitsineq
2023	28	3
2024	32	8
2025	37	5

2b) Ukiuni kingullerni pingasuni, Nalik Ventures aqutugalugu tunisassiamik ineriartortitsinissamut tapiissutinut aamma annikitsunik taarsigassarsisitsinernut katillugit aningaasat qanoq annertutigisut tunniunneqarpat?

Apeqqutip tamatuma akinissaanut, Nalik Ventures tapersiuteqartinneqarpoq, taassumanga nalunaarutigineqarluni, tunisassiamik ineriartortitsinermut tapiissutinut aamma annikitsunik taarsigassarsisitsinermik aqqissuussinerup

ataani, ataani allassimasut aningaasat annertussusaat akuersissutigineqartut. Erseqqissaatigineqarpoq, imaattuaannanngitsoq aningaasat akuersissutigineqartut tamakkiisumik tunniunneqartartut. Pisuni ataasiakkaani, imaassinnaasarpog tamakkiisumik imaluunniit ilaannakortumik utertitsisoqareersimasartog imaluunniit akuersissummik atorunnaarsitsisoqarsimalluni.

	Tunisassiamik ineriartortitsineq	Annikitsunik taarsigassarsisitsineq
2023	4.338.143,93	244.605,75
2024	4.997.387,87	646.902,86
2025	6.877.083,25	309.268,35

2c) Maani nunatsinni aallarnisaasunut aamma suliffeqarfinnut minnerusunut tunisassiamik ineriartortitsinermut tapiissutit aamma annikitsunik taarsigassarsisitsinerit sunniutaat Naalakkersuisut qanoq nalilerpaat?

Apeqqutip tamatuma akinissaanut, Nalik Ventures tapersiuteqartinneqarpoq, taassumannga nalunaarutigineqarluni, tunisassiamik ineriartortitsinermut tapiissutit aamma annikitsunik taarsigassarsisitsisarneq, aallarnisaasut amerlanerusut suliffeqarfinnik pilersitsinissamut aamma ineriartortitsinissamut periarfissaqalernissaannut, ilaatillugit sumiiffinni killilimmik aningaasaliiffigineqarsinnaasuniittunut, iluaqutaasarpog. Nalik Ventures-imit eqqaaneqarpoq, aaqqissuussaaq, aningaasaqarnikkut ingerlatat annertusinerannut aammalu suliffeqarfiit mikinerusut amerlanerunerannut pissutaaqataasoq.

Pingaartumik tamakkunani suliffeqarfinnik pilersitsinissamut aamma ineriartortitsinissamut killeqarsinnaasunik periarfissaqarfiusuni illoqarfinni mikinerusuni aamma nunaqarfinni, aaqqissuussinerit suliffissaqarniarnermut pitsaasumik sunniuteqarsimasut, Nalik Ventures-imit ilassutitut ilisimatitsissutigineqarpoq.

Tamatumunnga peqatigitillugu, najukkami pissutsit apeqqutaallutik sunniutaa nikerartog Nalik Ventures-imit nalilernerqarpoq. Najukkami niuerfiit annikinnerat, avinngarusimaneq aningaasartuutillu annertuut, sivisuumik piorsaaniarneq eqqarsaatigalugu suliffeqarfiit periarfissaannik killiliisinnaasartut Ingerlatseqatigiiffimmit tikkuarneqarpoq.

Ataatsimut isigalugu aallarnisaanermik siuarsaanermut aammalu nuna tamakkerlugu najukkami inuussutissarsiornermik ineriartortitsinermut

aaqqissuussinerit iluaqutaasut, Nalik Ventures-imit nalilerneqarpoq. Aammattaaq, tunisassiamik ineriartortitsinermut tapiissutit aamma annikitsunik taarsigassarsisitsisarnerit, ingerlaavartumik nalilersuisarnermut ilaatinneqartuassasut, taamaalilluni ineriartornerisa ingerlaavartumik tapersersimaarnissaat siunertaralugu, suliffeqarfinnut atugassarititaasunut unamminiagassanut aamma periarfissanut, aaqqissuussat tulluarsarneqartarniassammata, ingerlatseqatigiiffimmit ilisimatitsissutigineqarpoq.

3. Nalik Ventures-imut pingaarnertut periusissiamut akisussaaffik, Naalakkersuisut, Naalakkersuisoqarfiup akisussaasuusup aammalu Nalik Ventures-ip akornanni qanoq inissisimava?

Nalik Ventures-imut pingaarnertut periusissiamut akisussaaffik, ingerlatseqatigiiffiup aqutsinermut akisussaaffia naapertorlugu, ingerlatseqatigiiffiup ingerlataanut periusissianut sinaakkutinik aamma pingaarnersiukkanik aalajangersaasartunut, ingerlatseqatigiiffimmut aamma tamatuma siulersuisuinut inissitaavoq. Piginittuusutut Naalakkersuisut, Siulittaasup Naalakkersuisoqarfianit isumagineqartoq aamma ingerlatseqatigiiffiup kiffartuussinissamut isumaqatigiissutaanut akisussaasup Inuussutissarsiornermut Aatsitassanullu Naalakkersuisoqarfiup, akornanni, ingerlaavartumik ataqatigiissaarisooqarpoq.

4. Ukiuni aggersuni pingasuni, aallarnisaanermik aamma inuussutissarsiornermik ineriartortitsinermut Nalik Ventures-ip sulineranut Naalakkersuisut sunik pingaarnertut anguniagaqarpat?

Inuussutissarsiornermik siuarsaaneq nalinginnaasoq pillugu Inatsisartut inatsisaat nr. 20, 3. december 2012-imeersoq naapertorlugu, Nalik Ventures-ip inuussutissarsiornermik ineriartortitsinermik sulineranut Naalakkersuisut pingaarnertut anguniagaat, Naalakkersuisut inuussutissarsiornermik siuarsaanermut aaqqissuussaannik ingerlatsisutut, ingerlatseqatigiiffiup inissisimaffiani aallaaveqarput. Ingerlatseqatigiiffiup inuussutissarsiornermik siuarsaanermut aaqqissuussanik aqutsineranut atatillugu, ingerlatseqatigiiffiup suliassanik naammassinninnissaanut sinaakkutinik pingaarnernik aalajangersaaffiusumik, kiffartuussinissamik isumaqatigiissummik, Naalakkersuisut aamma Nalik Ventures isumaqatigiissusiorput.

Ingerlatseqatigiiffimmut pingaarnertut anguniagaq tassaavoq piujuartitsisumik aammalu unammillersinnaasumik Kalaallit Nunaanni inuussutissarsiornerup ineriartorneranik ikorfartuineq. Tamanna, nunatsinni inuussutissarsiornermik siuarsaanermut soqutigisat isumaginissaat ikorfartornissaallu pillugu,



ingerlatseqatigiiffiup maleruagassatut aalajangersakkat siunertaannut naapertuutissaaq.

5. Nalik Ventures-ip suliniutaa, aallarnisaasunik aamma suliffeqarfinnik mikinerusunik, nuna tamakkerlugu ikorfartuinersoq, qanoq Naalakkersuisut qulakkeerniarpaat?

Ingerlatseqatigiiffiup suliniutaa, nunami tamarmi aallarnisaasunik aamma suliffeqarfinnik mikinerusunik ikorfartuisoq, Nalik Ventures-imik kiffartuussinissamik isumaqatigiissuutikkut Naalakkersuisunit qulakkeerneqarpoq. Illoqarfiit anginerusut avataanni inuussutissarsiornermik siuarsaaneq immikkut ukkatarineqassasoq, isumaqatigiissummi takuneqarsinnaavoq.

Tamanna ukiumoortumik iliuusissanut pilersaarummik tunngavissinneqarpoq. Nalik Ventures nunap immikkoortuini tamani najuutissasoq, tamatuminnga aalajangersarneqarpoq. Nunap immikkoortuini illoqarfiit pingaarnert avataanni Nalik Ventures najuunniarsarissaaq. Suliniuteqarneq ilaatigut suliffeqarfinnut aamma aallarnisaasunut tikeraarnernik, paasisitsiniutitut ataatsimiisitsinernik, isumasioqatigiinnernik, pikkorissarnernik aamma ilitersuineramik ingerlatsinernik ilaqartassaaq.

6. Sammisamut soqutiginaatilinnik allanik Naalakkersuisut ilisimatitsissuteqarsinnaanerlutik?

Maanna inuussutissarsiornermik siuarsaanermut periusissiulernissamik suliaqartoqartoq Naalakkersuisunit ilisimatitsissutigineqarsinnaavoq. Periusissiamik, sinaakkutinik pitsanngorsaaniissaa aammalu Kalaallit Nunaanni inuussutissarsiornermik ineriartortitsinermut aamma aallarnisaanermut pingaarnersiutinernik erseqqissunik pilersitsinissaaq, siunertarineqarpoq. Inuussutissarsiutinik siuarsaanissamut periusissiaq, inuussutissarsiornermut periusissiap pingaarnernup katitikkap ilaatut ilaatinneqassaaq. Inuussutissarsiornermut periusissiaq pingaarneq pillugu, ukiap ingerlanerani Naalakkersuisut, Inatsisartuni politik-kikkut siammasissumik isumaqatigiissuteqarnissamik anguniagaqassamaarput.

Múte B. Egede

Nunanut allanut, Inuussutissarsiornermut, Aatsitassanullu Naalakkersuisoq
Naalakkersuisoq for Udenrigsanliggender, Erhverv og Råstoffer